

改良政治。必須輸入外資。故先定整頓財政大綱。增加財政信用。每年應還借款賠款本息。約五千萬兩。借款多以關稅作抵。亦有以釐金作抵者。賠款以關稅及鹽課作抵。速與有約之國商議加稅。一面廢去釐金及減少出口稅。每年海關常關所入。可由四千四百萬兩增至六千餘萬兩。可抵支前項外債而有餘。至鐵路及他項借款。另以鐵路及他項進款償還。不足則由鹽課撥補。尚有各省所借外債。其總數約一千餘萬兩。又去冬欠交庚子賠款一千二百餘萬兩。均歸入組織新政府所用大借款項下。速為償還。建設行政所需。應迅速成立預算。以定支用大借款標準。目前先發出暫時短期庫帑券。以濟急需。此項庫帑券。由將來大借款歸還。此事極為要著。舍此無他法可恢復財政信用。仿照新法。整理鹽政。可增鹽課五千萬兩。清理田賦。剔胥役之積弊。輕人民之負擔。未經升科之地。搜集專門人才。從新測量。酌定稅率。改良國幣。劃一圖法。為財政最要關鍵。即須迅速實行。我國財政專門人員尚少。又乏經驗。將來庶政具舉。亦須借用異材。以資先導。而備顧問。民國成立。宜以實業為先務。故分設農林工商兩部。以盡協助提倡二義。凡學校生徒。尤宜趨重實業以培國本。吾國實業。尚在幼稚時代。質言之。中華實農國也。墾荒、森林、畜牧、漁業、茶桑。富藏於地。類多未闢之菁華。願我國民。無從空中討生活。須從腳底下著想。即以礦產言之。急須更改礦章。務從便民。力主寬大。以利通行。且商律與度量權衡。亦應迅速妥訂實行。近日軍隊

複雜。數逾常額幾倍。消耗過鉅。閭閻何以堪此。已飭財政陸軍兩部。實行收束之方。人民信教自由。舉凡各教。均一視大同。毫無偏倚。不論其信教與否。亦不論其信仰何教。均須互相尊重。悉泯猜嫌。冀享幸福。我國民習慣積重。急切難趨大同。教育尚未普及。改革尚多疑阻。軍人缺乏精神。訓練當探本原。法律亦未完備。法權仍多放棄。交通未能暢達。風氣難期畫一。均當與國務員隨時籌商。力求進行。邇來外國對我態度。類皆和平中正。藉示贊助之誠。固徵世界之文明。更感友邦之睦誼。凡我國民。務當深明此義。以開誠布公鞏固邦交為重。凡從前締結之條約。均切實遵守。其已締約而未辦之事。迅速舉辦。從數千百年專制之後。一躍而躋共和。宜吾國民之色然而喜也。然世凱深以吾國之未進步為憂也。深望我國民常處於不足。勿誇張自滿也。深望以公誠推與。勿互相猜忌也。四萬萬心惟一心。國乃強。此次特任國務總理唐君。與各部總長。皆一時濟變之才。世凱正資倚任。相與共支大局。願國民深信之贊助之。

四國銀行團之前因後果 錄申報

四國銀行團。即德之德華銀行。法之東方滙理銀行。英之匯豐銀行。美之資本代表斯戴德是也。四者之中。發軔之始。實在於美。然而有一最要之點。為我國人所不知者。美國經濟力。在地球上推為最富。然美國事業發達。母財需用過鉅。利息須

21592

常年六釐。故美國資本。不易輸入他國。此為最大原因。歐洲無論矣。即中國借款。常年五釐息。加以九五或九七扣。合之不過六釐左右。既需擔保。又賴監督。內牽國際交涉。外惹資本家之競爭。而所得利益。並不視國內為厚。何樂而為此。歷來路礦實業。從無美國資本攔入者。蓋以此也。我國人但知美國錢多。願承攬我國之借債。此偏面之見。而不知美國市場情況。雖各國政府利用經濟力以擴張政治之勢力。然亦須經濟上先有利益可圖。資本家始供政府之利用。若資本家先受損失。而願供政府之利用者。中外各國。同無此理。此為第一層。

然則四國銀行團何以又發始於美。欲決此疑。當先知美國現在總統為塔虎脫。塔為共和黨人。頗有志於太平洋沿岸者也。既有志於太平洋之沿岸。此節言之甚長。當別論。乃思善交吾國。以結感情。乘便亦可有益於政治。下手之方。莫如貸款於吾國。此為塔總統之政見。能否實行此政見。尚待機會。適美國大富豪鐵道大王。有事請益於塔。允其所求。而要以貸款中國。以助達其政見。鐵道大王不得不允。乃令斯戴德銜命赴中國商辦。以一千萬鎊為限。在鐵道大王之意。此一千萬鎊無論如何。即令擲之虛牝。亦無不可。徒為應塔氏之求耳。故斯氏稱為個人之代表。非美國某銀行之代表。此為第二層。

斯戴德到中國。與北京政府商借款事。或主錦璣鐵路。或主張恰鐵路。或主改良幣制。或主開墾東省。議未決而日俄之抗議以興。斯氏知事不易。又知鐵道大王非初意所樂為。遂往倫敦

議與英國資本家合辦。英國資本家大歡迎。德法資本家。亦豔羨不已。斯氏益欲減輕其擔負。乃益招德法共為之。於是乎有四國銀行團之結合。其實三銀行一資本家也。其用途則置錦璣張恰等鐵路於不議。專為幣制及東省墾荒兩事。三國銀行家大得意。斯氏亦自慰。使美國大總統明年易為民主黨人。或仍為共和黨人而與塔總統之政策不同。則美國四分之一之貸款權。亦必為英德法所勻分無疑也。此為第三層。

吾國革命事起。需借之款。將無盡數。銀行團益逐逐其欲。但貸款愈多。危險亦愈甚。求確保其利益之心益熾。乃不得不有賴於政府。於是先由四國駐京公使。為銀行團要求借款優先權。其實即壟斷權也。本年三月初九。袁大總統予銀行團以書函允之。壟斷之謀既成。連雞之勢遂定。蓋以前各國對華經濟政策。志在吸收。今日對華經濟政策。乃實在侵略。吸收以金錢為限。而侵略自注重於政權。刻言墊款。僅監督吾用途。國民已震駭萬分。他日借款。必并吾之入款而監督之。實言之。必以銀行團之總代表。為實際上之財政總長。此在歐洲喧傳已久。願吾國人乃夢夢。然實逼處此。不夢夢又將奚為。武力勒捐乎。不換紙幣乎。桑孔復生。莫可為力。何責乎唐。何怨乎熊。此為第四層。

唐固略具外交眼光者。苦於銀行團之壟斷。又值兵變後需款孔亟。銀行措不照付。華比銀行去冬即欲承攬借款。唐與前度支部首領周自齊密與華比商借。越二日即訂合同付現款。此實外

交上應爲之事。不過唐未深知比款之內容。固含有英法之款也。唐以比在四國外。銀行團必無如之何。其實比款占一小部分。其一大部分仍英法款。惟與匯豐滙理無涉耳。英法公司。執袁大總統三月九號允銀行團以優先之函。指華比爲侵害其權利。各請政府令英法資本家。不得預聞。比款遂僅付一百二十五萬鎊。戛然而止。唐乃不得不允取消此約。仍向銀行團商借。銀行團要求益甚。而比國公使輒謂比人不能如此受虧。取消之說。斷不承認。現尙無正當解決之法。此爲第五層。

銀行團如此轟轟烈烈。放手而爲。日俄在旁。漠然坐視。竟不思染指其間。銀行團忽動一念。招令入團。於是道勝銀行與正金銀行。見銀行團之招。欣然各請命於本國政府。政府回詢加入之際。有何條件。復稱無之。政府因許其加入。四國銀行團。遂變爲六國銀行團。其實四國銀行團。斷不嫌其所得利益之多。無端邀令日俄入團。蓋有深意存乎其間。因俄在北滿。日在南滿。勢力日漲。而英法德美。有以連雞之勢。不能捷足進行。恐將來不能與日俄敵。各爲國家政策計。不如招日俄入團。與以均享經濟利益。而破其南北滿特別勢力之圈線。如錦陵。如張恰。如東省荒地。及各種礦山。俱可共同經營。其意如此。遂提出於五月十五號倫敦之大會議。日俄譁然。謂以區區借款六分之一。易其經營南北滿十餘年所得之權利。斷乎不可。即論六千萬鎊。所得亦僅一千萬鎊耳。毅然拒絕。謂各國如承認不損其南北滿之權利。則照常加入。否則立即出團。刻雖無正

式通告出團。然於近日撥付之三百萬墊款及要求信函。日俄代表。已不簽字。此爲第六層。

日俄既堅持如此。終須允其出團。而四國代表意見。亦不相同。加以吾國政府之所允許。不甚滿其意。各省又紛紛自借外債。在英德法三國銀行團以外之資本家。亦多反對銀行團之所爲。於英法政府禁止勿加入比款之舉。尤激動一般輿論。法議員方與內閣有不合。恐因此內閣益有搖動。則繼任者政見如何。毫無把握。坐是種種。銀行團有不得不解散之勢。即銀行團中人。亦覺連合之進行難。分承則易於見功。此又解散銀行團之大原因也。此爲第七層。

識此七層。於幣制借款以來。至今日銀行團有解散風說之情形。洞若觀火。其結果則於外交上有一大問題。外交雖云宜於秘密。然各國對華之外交政策。則不甚守秘密。何也。勢力相等之國。先洩則使對面者設計預備。故宜秘密。若吾國則俎上肉。釜中魚。欲如何便如何耳。奚秘密爲。不過吾國人耳目充塞。末由聞見耳。茲揣測其利害如下。

經濟同盟。影響及於政治。埃及高麗。陳迹不遠。今由四國而爲六國。吾國經濟生死。俱在一團掌握之中。前途危險。不堪設想。今日俄不願加入。更引奧比等國以牽制之。吾國正可乘此機位。別覓債主。四國連雞之勢可破。吾於世界經濟上。得自由活動。此一種利害之說也。

日俄之不願加入。非於吾國有善意。欲破壞四國壟斷之謀也。

21596

極力反對。擬自集巨款以募國債。而聯名署印者。只二百人。其實國民之富力。亦不足以勝此重負也。數年前。波人曾以本國股東。創設國民銀行。終不能就。而已交股者。今日追取股本。尙自無著。波人財力之厚薄。辦事之信僞。已可想見矣。而國民黨又多方以圖內債之成立。甚且出於脅迫。謂凡爲波人。皆應以家資之半。獻諸國家。而商人中相率以其金錢滙之君士但丁埃及等處。又率其家遷居亞力山德或孟加拉。蓋豈獨內債無成。又恐因以生他變耳。爾時德意志以外交之敏妙手段。乘英俄之不備。無端市恩於波政府。暫借以款。而攫得烏爾米華河之航路權。波人之感激可知也。而無解於其內治財政根本上之困難。近聞一月以前。英俄兩國。合致通牒於波外部。請其將陸軍部裁撤。並解散陸軍隊。以免虛糜。其波斯境內保衛治安之責。則以南北中分。由英俄分擔其責。監督財政。則兩國各派一員。會同商辦。波廷雖不滿意。然亦俯首而無可如何。嗚呼。波斯其爲埃及之續矣。然何其與我中國適相類也。革命後之建設也與我同。軍隊之擾攘不靖也與我同。商民之拒債而自募也與我同。招股而創興實業也亦與我同。其失敗也亦無不同。二國之壟斷。猶夫四國之壟斷也。第三國人之委任監督。猶夫荷蘭壘西哥人之紛紛也。而監督之初步。類無不曰顧問。其已事可知矣。政府而欲承受此顧問焉。以波斯爲前例可也。更進而求第三先進國。莫如朝鮮矣。吾今不暇述朝鮮滅亡之歷史。而但用抽象的觀察。述明治三十七年八月十二日使林權

助謁見韓皇所提出之內政改革案。及關於此案之約。其中有財政監督、外交顧問、學政參與、警察顧問、諸名詞。吾述此約。所以證吾言顧問即監督。監督即顧問。幸勿驚其名而忘其實。以自辟顧問。爲自欺欺人之術也。又聞銀行團有委任稅關監督之議。即舉裴總稅司。以資熟手。後日收回自管。困難抑可知矣。且以區區禁煙而亦須顧問焉。吾恐教育海陸軍農林銀行鐵道郵電諸顧問。且紛紛而起也。不至於埃及不止矣。

英兵入藏論上 錄民立報

就中國各行省而論。若閩若粵。都二十餘省。其中以孰爲大。曰以四川爲大。就中國各名山而論。若天台。若雁宕。殆不可以儷指數。其中以孰爲大。曰以喜馬拉雅山爲大。夫以峨峨高原。橫亙於喜馬拉雅山麓。而即以喜馬拉雅山脈。與英屬印度之喀蒙。及英屬阿密薩侯國爲界者。非所謂西藏乎。西藏爲世界第一之高原。深山四圍。壅塞靡隙。界絕不鄰。而其間東部。有由大金沙江之谷道。出巴塘裏塘。逶迤蜿蜒。以漸通入中國內地腹部者。非所謂四川乎。然則喜馬拉雅一山。爲西藏之屏蔽。西藏一地。又爲四川之屏蔽。此固輿地學家所共認。抑亦謀國家論軍事者所稔知也。由此言之。無西藏則無四川。無四川則無雲南貴州陝西甘肅諸省。蟻穴之細。可以潰全隄。鵠室之毀。必先由戶牖。茫茫前途。岌岌後慮。其關係如此之重。而不謂英人者。乃竟乘我之隙。藉口於藏番作亂。復發兵深入。